

## Parlamentu Nasional timoroan aprova ona orsamentu retifikativu ho unanimidade

13 de Julho de 2016, 22:18

**Parlamentu Nasional timoroan aprova ona iha loron-kuarta ne'e ho unanimidade orsamentu retifikativu ida ho folin dolar millaun 391 resin ba konta públiku iha tinan ne'e, harii ona komisaun ida ne'ebé halo fiskalizaun ba Estadu nia tusan sira.**



Testu hosi orsamentu retifikativu aprova tiha ona hosi bankada haat iha parlamentu - Congresso Nacional de Reconstrução Timorense (CNRT), Frente Revolucionária do Timor-Leste Independente (Fretilin), Partido Democrático (PD) ho Frente Mudança, hafoin hala'o debate durante loron rua.

Redasaun ikus hosi testu agora sei prepara antes haruka diploma ba Prezidente Repúblika, Taur Matan Ruak, hodi halo promulgasaun.

Fó hanoin katak xefe Estadu suspende orsamentu ba tinan ne'e maibé depois tenki promulga bainhira testu orsamentu nian aprova ba dala rua laho mudansa sira no ho unanimidade hosi deputadu sira.

Lahó mudansa importante hosi proposta Governu nain deputadu sira inkorpora ona ba testu artigu foun ida kona-ba "tusan antigu sira" ne'ebé sei hanoin atu harii "komisaun ida hodi halo fiskalizaun no akompaña prosesu sira apuramentu no likuidasaun hosi tusan finanseiru sira no tusan sira ne'ebé la'ós finanseiru hosi Estadu nian".

Selu tusan sai hanesan argumentu ida ne'ebé Governu uza hodi defende aumentu ba gastu sira iha tinan ne'e.

Rui Maria de Araújo, primeiru-ministru, defende ona, bainhira hahú debate ba diploma iha loron-tersa, katak ezekutivu hakarak kontinua aposta iha estratéjia ida reforsu ba infraestruturá báziku sira, hosi rekursu ema sira nian no ba kompetitividade ekonomia nasional nian ne'ebé uziji investimentu públiku maka'as.

Xefe Governu esplika ona katak pedidu hosi retifikasaun orsamentu nian iha folin dolar millaun 390,7 tanba folin ne'ebé iha ba tinan ne'e la to'o, hosi gastu sira aas liu duké envelope fiskal no iha tusan sira ne'ebé ezekutivu hakarak selu.

Entre aspetu sira seluk, Rui Araújo destaka ona katak tanba la to'o, alterasaun iha jestaun finanseiru, inklui tanba Fundu Infraestruturá sira ne'ebé iha tinan ne'e sai autónomu, hodi permiti velocidade iha pagamentu sira.

"Ami presiza kuantidade adisional ida hodi garanti pagamentu sira no nune'e garanti ba empreza sira osan suficiente hodi kontinua hala'o obra sira ho qualidade no iha prazu nian laran ne'ebé halo tuir iha kontratu", nia hatete.

Pedidu adisional orsamentu nian iha mós ligasaun ba projetu boot sira seluk.

Osan barak hosi gastu adisional sira ne'ebé halo parte iha Orsamentu Estadu nian sei haruka ba projetu tolu infraestruturá nian, Portu hosi Baía Tibar nian, Baze Fornesimentu sira iha Suai no Projetu hodi Hadi'a Infraestruturá

sira iha Eskoamentu nian iha Díli.

Iha konkretu, no ho aumentu ba gastu ne'e, Governu timoroan iha tinan ne'e sei hasai hosi Fundu Petrolíferu osan dolar millaun 1.129,7 aas liu hosi folin sustentável ho gastu tinan-tinan hosi Estadu aumenta ba millaun 1.952,9.

Nune'e, no tuir konta sira hosi Governu, despeza total iha tinan 2016 sei aumenta hosi dolar millaun 1.562,2 hosi Orsamentu ne'ebé aprova ba tinan ne'e, ba millaun 1.952,9, haktuir hosi testu retifikativu.

Diferensa iha de'it iha despeza kapital nian no iha konkretu iha rubrika hosi "kapital dezenvolvimentu (inklui infraestruturá no empréstimu sira)", ne'ebé sa'e hosi dolar millaun 455,3 ba 846.

Iha konkretu, Governu deharuka folin adisional ida hamutuk dolar millaun 131,3 ba Portu Tibar nian, hodi esplika katak hanesan folin ida ne'ebé koresponde ba kontributu hosi Governu ba projetu, ne'ebé sei implementa iha rejimi parseria públiku-privadu ho konsórsiu ida ne'ebé lidera hosi franseza Bolloré.

Maski iha kontributu hosi Governu - iha projetu ida ne'ebé sei iha investimentu inisial ho dolar millaun 278,3 (hafoin ne'e sei tau hamutuk ho millaun 211,7 durante konsesau) - sei selu neineik, ezekutivu esplika katak "montante total tenki depozita hosi Governu iha konta ida ne'ebé dedikadu antes hahú konstrusaun".

Orsamentu retifikativu aumenta osan ba kuaze alínea setorial hosi Fundu Infraestruturá sira nian, ho destake ba projetu Tasi Mane iha Suai ne'ebé nia gasta aumenta hosi 56,6 ba millaun 183,9 ho retifikativu.

Gastu sira iha eletrisidade tuun hosi 6,3 ba millaun 41 no iha estrada sira aumenta hosi 104,2 ba dolar millaun 208.

ho Lusa

Produsaun hosi [SAPO](#) - Ho direitu hotu-hotu rezervadu.